

柳州府志卷之二十四

名宦

天之生大忠也不數其生大奸也亦不數惟太平庸福之臣遭時竊位者一望皆是然當時則榮歿則已焉鄙夫羨其美宦風人譏為備員若此類名湮沒而不稱良足慨矣余攷官於柳者自漢迄今二千餘載其為典郡長吏以及丞尉不下數千百人乃求其功績卓有可紀□何竟寥寥若是今惟取□□□□□□□□□□□□□□□□以德著或以

柳州府志 卷之二十四 名宦

一

才顯□□□□□□□□□□□□□□□□生民傳之不
朽可為有位者勸也志名宦

秦

任囂始皇將也始皇滅楚始遣王翦平百粵用屠
睢為尉統五軍討不服粵人遁入叢薄而陰置雄
傑將攻睢殺之始皇大怒發兵拜囂南海郡尉畧
定揚粵置桂林南海象郡以謫戍人五十萬戍五
嶺囂又能和輯粵衆遂定粵亂後諸侯兵起知揚
粵必有偏霸者乃築關隘以遏寇虐保障其民至

二世時囂病且死召龍川令趙佗語曰聞陳勝等作亂豪傑蠡起南海僻遠恐盜兵侵此吾欲興兵絕新道自備待諸侯變且番禺負山險阻南北東西數千里頗有中國人相輔此亦一州之主可為國郡中長吏無足與語者故召公即被佗書行南海尉事佗因得雄據揚粵秦末四方干戈相尋獨南海晏然囂實遺之今瀧口有任將軍廟云

漢

路博德□□□人□□□□□□詔討南越博德

柳州府志

卷之二十四

名宦

二

以衛□□伏波將軍□□□□□□主爵都尉楊

僕為樓船將軍出豫章下橫浦

漢書作滇水

歸義越侯

鄭嚴為戈船將軍出零陵下瀨水田甲為下瀨將

軍下蒼梧使馳義侯何遺別將巴蜀罪人發夜郎

兵下牂牁江會番禺建德呂嘉皆城守博德軍西

北會日暮樓船攻敗越人越素聞伏波名乃為營

遣使招降者賜印綬復縱令相招達旦城中皆降

伏波呂嘉建德夜與其屬亡入海伏波因問所得

降者知其處追獲之其蒼梧王趙光桂林監居翁

等皆降遂以其地為儋耳珠崖南海蒼梧鬱林合浦交阯九真日南九郡今蒼梧鬱林博德所開也按府志所紀祇屬本郡於昔賢政事不能詳載然當版圖未闢之時俾卉衣椎髻之倫悉引而歸之聲教如秦之任囂漢之路博德其功亦何可泯也故通省大吏其豐功偉績有確著於吾柳者亦取而筆之以誌不忘耳

劉外光武曾祖西漢宣帝元康間為鬱林太守惠政□□

柳州府志

卷之二十四

名宦

三

谷永建寧中為鬱林太守以恩信招降烏滸人十餘萬內屬開置七縣

即今潯州府地

郡人立祠祀之

蜀漢

李恢字德昂俞元人昭烈入益州恢為庾降都督持節交州刺史昭烈崩高定恣睢於越雋雍闓跋扈於建寧朱裒反叛於牂牁惟恢鎮南土與諸葛亮聲勢相倚以功封漢興亭侯加安漢將軍建興七年詔以交州屬吳乃徵恢還

吳

陸績字公紀吳郡人博學多才孫權辟為奏曹掾以直道見憚出為鬱林太守加偏將軍俗不知學績廸以詩書士慕其風皆舍里居而受學焉秩滿歸舟輕取石壓之人因號為廉石績意在儒雅雖有軍事著述不廢作渾天圖注

隋

令孤熙字長熙敦煌人累官汴州刺史時嶺南蠻數起為亂乃徵拜桂州總管十七州諸軍事熙至部太守恩信諸谿□□帥相謂曰前總管皆以兵

柳州府志

卷之二十四

名宦

四

威□□今乃以手教相諭我輩其可違乎於是相率歸附先是長吏坐路梗多不得之官至是悉遣之為建城邑開學校蠻獠感化焉時有甯猛力者在陳時已據南海平陳後文帝因而撫之即拜安州刺史然倨傲恃險未嘗叅謁熙手書諭之申以交分其母有疾復遺以藥猛力感之詣府請謁不敢為非熙以州縣多有同名乃奏改安州為欽州黃州為峯州利州為智州德州為驩州東寧州為融州皆從之會有訟其受李佛子賂不即遣入朝

以致反者帝怒逮之行至永州憂憤病卒及劉方擒佛子至京乃得白

何稠字桂林西城人開皇中累遷太府丞會桂州俚李光仕為亂詔稠召募討之稠先遣使招其渠帥岢主莫崇解兵降欵桂州長史王文同械崇詣稠所稠詐宣言曰州縣不能綏養致邊民擾叛非崇之罪命釋之引與共坐從者四人皆設酒食遣之崇大悅歸岢不設備稠至五更掩入其岢悉發俚兵以臨餘賊象州賊帥杜條遼羅州龐靖等相

柳州府志

卷之二十四

名宦

五

繼降欵分遣梁昵討叛夷羅壽馮暄討賊帥李大檀盡平之承制署首領為州縣官而還衆皆悅服後以功授開封

李襲志字重光金州安康人仕隋為始安郡丞隋末盜起襲志傾私產募士三千人乘城拒盜蕭銳林士宏屢攻之不下聞煬帝遇害與士民縞素三日或說以據嶺表取百越為尉佗計襲志不從欲斬說者固守二年力窮援絕為銳所陷武德初高祖賜書命其子元嗣召之襲志招致嶺南六十餘

州皆送款五年入朝進柱國封始安郡公隨轉桂州都督襲志守桂二十八年政尚清簡南荒便之唐

李嶠字巨山趙州贊皇人蚤孤事母以孝聞二十舉進士累遷監察御史時邕巖二州首領反叛發兵討擊高宗命嶠往監軍事嶠乃宣朝旨特赦其罪親入獠峒以招諭之叛者盡降遂罷兵而還韋挺貞觀間以忠直守象郡善政顯著民稱愛育柳宗元字子厚河東人元和十年由永州司馬移

為柳州刺史時劉禹錫得播州宗元曰播非人所居禹錫有老母在若不偕行便為母子永訣欲以柳易播會裴度亦為禹錫請乃改連州柳州土俗以男女質錢過期則沒為奴婢宗元設方計悉贖歸之尤貧者令傭書視直足相當還其質已沒者出已錢助贖江嶺間為進士者走數千里從宗元遊經指授者為文辭皆有法元和十四年卒於官子幼觀察使裴行立營護其喪妻子得還孔戣字君嚴冀州人登進士第元和十二年嶺南

節度使崔詠卒當置帥帝謂裴度曰嘗論罷蚶菜者誰歟今安在是可往為朕求之度以幾對即拜嶺南節度使既至免屬州逋負緡米及黃金稅倍屬刺史俸約不得為貪暴禁掠人為奴婢士之斥南不能歸及有罪之後百餘族才可用用之貧者存恤婚嫁之除蕃舶晏餉禁絕僕隸無所求索先是貞元中黃崗諸蠻叛久不平容桂二管利虜掠幸有功請合兵討之幾固言不可帝不聽而士卒多被瘴毒死桂管裴行立容管楊旻皆無功憂死

柳州府志

卷之二十四

名宦

七

獨幾不邀一旦功交廣晏然大治穆宗立召為吏部侍郎

蘇仕評初任柳州亞將唐大順三年文蘭等州叛率兵自柳往援尋領州事盡戮其渠魁境內始謐後徙柳州勸農闢土民庶而富再領宜州仕評卒其子日朝代光化三年馬氏叛攻桂州日朝偕其子入援軍不利皆死焉宜州民以仕評有惠愛且日朝父子死於忠因立廟祀之

宋

陳堯叟字唐夫閬州人累遷工部員外郎廣南西路轉運使嶺南風俗病者禱神不服藥堯叟有集驗方刻石桂州驛又以地氣蒸暑為植樹鑿井每二三十里置亭舍具飲器人免暍死咸平初詔諸路課民種桑棗堯叟上言其畧以五嶺之俗田多山石地少桑蠶惟麻苧之利所種與桑柘殊易又國家軍需所急布帛為先因先時勸諭部民杼軸滋廣歲以鹽錢折變收市充溢至三十餘萬匹請自今許以所種麻苧頃畝折桑棗之數依例為課

於公私交濟詔從之尋代還未幾會撫水蠻酋蒙今國殺使臣擾動命堯叟為廣南東西兩路安撫使事平遷兵部後至右僕射卒謚文忠

按廣植麻苧實粵西大利嘗見平樂等邑遍種花麻其婦女所穿衣服俱垂過膝而吾郡乃長不掩胛則物產饒瘠之故也守土者本是意而家諭戶曉焉庶野無曠土室有餘資則堯叟之言為吾民利賴不淺矣

曹利用字用之趙州寧晉人累官忠州刺史景德

四年知宜州劉永規馭下殘酷軍校陳進乘衆怨殺永規叛陷柳城縣圍象州嶺南騷動上以利用曉方畧盡心於事授利用為廣南安撫使利用辟監涪陽酒稅孫繼鄴與俱南遇賊武仙賊持健鏢蒙采盾衣甲堅利鋒鏑不能入利用使士持巨斧破盾遂敗賊引兵趨象州復破之大烏領斬陳進撫安其黨嶺南平以功遷引進使官至尚書左僕射兼侍中武寧軍節度使

曹克明字堯卿雅州人景德中蠻寇邕州改供備

庫副使知邕州左右江蠻峒二十六克明召其酋長諭以恩信是歲承天節相率來集克明慰拊出衣服遺之感泣而去獨如洪峒恃險不至克明諭兩江防遏使黃衆盈引兵攻之斬其首領陸本前梟於市宜州澄海軍校陳進叛時鬱江暴張州城崩摧克明率丁夫伐木為連舫維之水涯狀如郭郭又多張旗幟浮臣棧陳兵其上為守禦備募谿峒兵三千而黃衆盈亦齊兵千五百將趣象州會安撫使曹利用約克明會兵行次貴州遇賊大敗

之斬首四百餘級賊平代還會撫水蠻叛徙宜融
桂昭柳象邕欽廉白十州都巡檢使兼安撫使既
至蠻酋進藥一器曰谿岢藥藥箭中人以是解之
可不死克明曰何以試之曰請試以鷄犬克明曰
當試以人乃取藥箭刺酋股而飲以藥即死群蠻
慙懼而去時克明屢有戰功朝廷意在招附克明
乃至撫水州與知州林承貴等約盟而還未幾知
桂州又遷西上閣門使歷知登舒邵三州
魏瓘字用之歙州人歷宮提點廣南西路刑獄邕

柳州府志

卷之二十四

名宦

十

州獠戶緣逋負口婦女為傭者一千餘人悉奏還
其家遷轉運使減柳州無名役四百人所至惠洽
遷大常少卿

馮伸己字齊賢始官桂州兵馬都監俞獻可薦知
宜州天聖中改桂宜融柳象沿邊兵馬都監復知
宜州代還道改知邕州未幾改知桂州兼廣西鈐
轄道江陵會安化蠻犯邊官軍不利仁宗遣中人
趣伸己討之伸己日夜疾馳至宜州繕噐甲募丁
壯轉糧餉由三路而進伸己臨軍單騎出陣語酋

豪日朝廷撫汝甚厚汝乃自取滅亡耶今我奉天子命來汝聽吾言則生不則無噍類矣衆仰泣羅拜明日蠻渠棄兵械率衆降軍門初部卒以覆將畏匿伸己曰紀律不明主將之過也戰士何罪請於朝貸其死以勞遷西上閣門使知宜州樂善蠻寇武陽伸己遣諭禍福蠻大悅悉還所掠又莫世堪負險強黠抄掠邊戶為疆場患伸己設伏擒捕皆置於法遷果州團練使

張守約字希參濮州人歐陽修薦其有智畧知邊

事權知融州尙將吳儂恃險為邊患捕誅之後修復薦其可任將軍尋詣闕條陳地方利害皆見納謝麟字應之歐寧人由太常博士改西上閣門副使元祐中知桂州融江有警以計平之戍兵從北來不習水土麟部土人使極南而北兵止屯近郡賴以全者甚衆卒於宮

楊文廣太原人狄清南征時為廣西鈐轄知邕州撫馭有方士卒樂為效死時以名將稱

黃忱任馬平軍總管知融州黔南路崇寧初安化

酋蒙光有復嘯聚為亂忱與宜州守黨光嗣擊敗之以三州一鎮戶口六萬一千來降遂於安化撫水蠻地置德勝寨

滕處厚字景仲全州人少穎拔不群邃於春秋議論慷慨好言天下事從鶴山魏了翁遊了翁竒之勉以古人之學後調柳州馬平簿再辟潭州甘泉酒庫兼帥幕居官守正不阿人謂其迂聞而笑曰予愧予之不迂也果迂終不以此易彼有謂予迂當披襟納之易簣不亂賦詩而終

王德用字元輔趙州人善用兵累遷柳州刺史歷桂州觀察使德用將家子習知軍中情偽善以恩撫下多得士心未嘗親矢石督攻戰而名聞邊外婦女小兒皆稱黑王相公

俞獻卿字諫臣歙人為昭州軍事推官會宜州陳進亂象州守不任事轉運使檄獻卿往佐之及至守議棄城獻卿曰臨難苟免可乎賊至當力戰不勝有死而已奈何棄去初昭州積緡錢鉅萬獻卿盡用平糴至積穀數萬及是大兵至賴以饋軍

袁抗字立之南昌人官桂州司法叅軍撫水蠻寇融州以抗權融州推官督兵糧與謀軍事抗即楊梅石門兩隘建水柵二據其衝賊不得入

岳飛字鵬舉相州湯陰人湖南賊曹成連破道賀二州飛被命討成至賀得成謀者縛之帳下故囑吏白糧且盡飛佯應以暫返茶陵故縱謀逸去告成成來追飛潛趨遶嶺未明已至太平塲破其砦成走據北藏嶺上梧關遣將迎戰飛不陣而鼓士爭奮奪二隘據之成又自桂嶺置砦至北藏嶺連

控隘道親以衆十餘萬守蓬頭嶺飛部纔八千一鼓登嶺破其衆成奔連州謂張憲等曰成黨散去追而殺之則脅從者可憫縱之則復聚為患今遣若等誅其渠而撫其衆慎勿妄殺累主上保民之仁於是憲自賀連徐慶自邵道王貴自郴桂降者二萬與飛會連州進兵追成成走宣撫司降後授飛清遠軍節度使全州有唐時者從軍有勞績飛薦之於朝

唐俊又興安人博通經史紹興間進士廷對以直

言被黜尋起容州倅移守昭州政成入奏除知象
州尋知廉州未赴攝鬱林郡兇賊謝實犯隣境後
又躬率吏民禦之賊遁去秩滿遂請老凡經三郡
家無贏蓄張栻帥桂時聞其居迫火急遣軍救之
頃刻還白曰唐大夫家止有文書衣衾數篋已他
徙矣栻深嘆其清約
李興時三山人慶元間以國子監祭酒知融州軍
勸課農業訓勉士子於真仙巖前建書院名曰興
文院後人思之

柳州府志

卷之二十四

名宦

十四

劉繼祖字振宗玉山人紹定初以奉議郎知融州
事當路嘉其治行課最第一培養人材創建貢生
庫

韓休卿安陽人忠獻魏王五世孫嘉熙間知融州
軍兼管內勸農使精勤廉謹愷悌循良

常同字子正邛州臨邛人御史安民之子也登進
士第靖康初為大中丞乞郡得柳州三年召還首
論朋黨之禍謂欲破朋黨先明是非欲明是非先
辨邪正則公道開而奸邪息矣上善其言

李珙字溫之永福人少業儒尚氣節三試禮部兩
陞上庠不偶乃慨然以功名自奮會宜州蠻入寇
以禦賊首功補右職進築南丹州以珙攝州監押
為先鋒接戰却敵城成策勲累任邊將群蠻畏懾
納款歸疆積官至武功大夫劇賊劉花三嘯聚自
虔吉入寇廣東朝廷議擇將禦之除廣東路至則
盡俘其衆檻賊首送京師擢忠州刺史知融州議
者以為賞輕拜邕州團練使會金人犯京以蠟書
召天下兵珙聞之集僚佐曰主憂臣辱主辱臣死

豈可以道遠自便身圖乎募死士凡三千人屬通
判蔣炳文與俱炳文托為桂帥所留珙獨倍道兼
行引兵進北至衡州賊將薛廣祝靖擁數萬衆扼
其前旁郡皆閉城自守或勸珙宜退珙不從竟戰
死事聞贈忠州防禦使官其子十人詔旌其門曰
忠義

汪松字茂叔三衢人開禧元年知象州以廉靜稱
任滿當更民懇留詔從之民慮其終去乃刻木像
以祀之

石安民字惠叔臨桂人少穎銳不凡登紹興己丑進士為象州判官累決冤獄以明恕稱分教廉藤土州士知嚮慕有興起者喜為詩同輩評其竒麗雄深云已復歸之平淡有文集晚知吉陽未赴而卒安民蚤從路允迪沈晦胡寅遊尤受知於張浚及汪應辰其後張孝祥帥桂禮遇更異署榜其堂曰瑞文二弟安行安持皆能文人號曰三石陳太和字德容莆田人紹興中知象州虛心聽訟使各盡其情民大悅築石橋以便往來洎政三年

奏績居最

黃齊字義卿臨桂人紹興間進士調富川令迎父就養值曹成寇亂挺身擒獲七十餘輩境內安堵改判柳州錫對齊言桂林賓興數狹折納輸重詔從之增鄉貢二人減軍輸布錢九萬有竒里人張仲宇為文紀其事鐫於龍隱巖石壁攝新州踰年種刺竹圍城一千二百餘丈後知廣州禁採珠民以不擾卒范成大志其墓張栻為之題額云黃疇若字伯庸豐城人淳熙中以柳州教授調靈

川令會萬安軍黎蠻竊發經畧司選疇若條畫招捕事宜疇若謂須追原始亂為區處之方再任嶺外用舉考改知廬陵縣宦跡所至弊根蠹穴剔除殆盡以治辦稱

陳大紀字正之永嘉人嘉泰間知象州徙知橫州秩滿適妖賊侯廣李監六作亂鬱林桂州並為賊區大紀奉檄即行節制飛虎摧鋒兩軍號令威嚴親冒矢石與士卒同甘苦開誠諭賊散其黨與擒其渠魁訖事僅五月以功轉兩官

劉子薦字貢伯安福人父夢驥知澧州沒於王事子薦以父任為湘卿尉歷官知融州陞辭度宗慰之曰廣郡凋瘵賴卿撫摩子薦對曰臣當推行德化以安其民至官以廉靜著聞主管仙都觀廣西經畧司檄為叅議官德祐二年十一月北兵至靜江權經畧使馬瑩遣子薦提獠兵藥弩手守城東門勢不支時瀛國公已入燕子薦取笏書我頭可斷膝不可屈於上登城北望再拜取所衣袍瘞之語左右曰事急不可為吾惟以死守城陷死之

元

烏古孫澤字潤雨臨潢人至元二十九年為廣西兩江道宣慰副使僉都元帥府事兩江荒遠與百夷接不知禮法澤作司規三十有二章以漸為教其民至今遵守之又省廐置二十二所以紓民力歲饑請蠲租發象州賀州官粟三五百石以賑既發乃上其事全活甚衆

蕭恭登字則平吉安路人至元三十一年使安南歸為江西儒學提舉僉嶺南廣西道廉訪司事陳

柳州府志

卷之二十四

名宦

十八

便宜二十五事柳州左道謀叛論死者二百人泰登錄之而釋不知情百三十七人他所辨雪亦無算凡黜貪繆又二百一十八人進階奉直大夫明

楊璟合肥人洪武元年率左丞周德興叅政張彬將武昌諸軍取廣西克永州而征南將軍廖永忠叅軍朱亮祖自廣東取梧州定潯貴鬱林以兵來會進攻靜江不下璟謂諸將曰彼所恃西壕水耳若決其隄岸破之必矣乃遣指揮邱廣攻插口關

殺守隄兵因盡決壕水築土隄五道傅城城中猶固守急攻二月克之執平章乜兒吉尼復移師徇柳降其兩江土官黃英衍岑伯顏等而永忠亦定南寧至象州降元平章阿思蘭先是阿思蘭敗於全州率其餘將退保象州勢窮乃降廣西悉平璟封營陽侯永忠封德慶侯

蘭以權襄陽人洪武元年初平廣西遣以權齎詔往諭兩江谿峒廣西衛鎮撫彭宗萬戶劉惟善以兵護送將抵兩江會來賓峒人潘宗富寇掠楊家

寨以權謂奉詔遠來欲以安民可見賊不擊聽其蹂橫耶急督宗等擊之宗富敗走遂安輯其衆兩江之民由是懾服

蘇銓洪武初為柳州衛指揮僉事謀畧過人創公署整軍實賊攻劫融縣銓帥兵奮擊賊敗散後復聚衆剽掠銓設法擒之民賴以安

韓觀字彥賓虹人初任桂林右衛指揮僉事洪武十九年柳州融縣蠻叛討平之累遷廣西都指揮使二十九年召還成祖即位命佩征南將軍印鎮

廣西節制兩廣官軍招伏桂林蠻撫定宜山忻城
荔波諸寨四年大發兵討安南詔觀畫方畧轉粟
餉軍觀發太平以所部營坡壘關下治橋梁修道
攢運間出兵遊徼安南平命措置交阯緣途諸堡
而柳潯諸蠻乘觀出復叛五年兵抵柳州賊望風
遁觀請俟秋涼深入且請濟師帝使發湖廣廣東
貴州三都司兵又勅新城侯張輔以征南軍協討
別遣將將三萬人由他道進十月諸軍皆集觀令
都指揮朱廣方政以湖廣兵攻慶遠宜山忻城河

池而自以貴州兩廣兵由柳州攻馬平來賓遷江
賓州上林羅城融縣皆破之會兵象州分勦武宣
東鄉桂林桂平永福斬首萬餘級獲其黨黃南等
萬三千餘人群蠻復定捷聞帝嘉勞之
孔性善保昌人洪武間任馬平縣主簿上言谿峒
獠獐恃險竊發殺掠吏民及官軍討捕率不能獲
兇頑自恣為患益深然此雖盜賊豈無良心昔陳
景文為知縣獠獐皆應差役厥後長史撫字乖方
乃復反側誠使守令得人示以恩信諭以禍福彼

雖兇頑豈不革心向化為良民乎帝嘉納其言
劉燾洪武間任柳州知府寬厚不苟有欲私宰耕
牛者牛奔入府悲鳴若訴召其人詰之諭以仁愛
牛賴以全其惠政類如此

于海洪武中為柳州衛指揮僉事性氣剛勇守大
藤峽崗蠻聚衆攻劫海率兵奮厲出擊賊潰散搜
勦殆盡一方遂安

張霖洪武中知馬平縣愛民如子有虎噬人霖告
於城隍設檻以捕明日即獲二虎崗賊為患都督

韓觀統兵撫之賊據險不服曰若張知縣來即投
順霖乃衣冠入崗賊皆感泣出降

陳駿字仲良河源人永樂中官柳州知府時馬平
宜山寇起駿抵郡寇猝至圍城人情洶洶駿從容
榜投城下示以禍福許其自新冠乃狀白其情而
退駿躬歷各壘開誠諭之皆投戈去凡城池學校
靡不修葺值歲饑野多流移駿倡屬出貲計口賑
之全活甚衆

山雲徐州人宣德中命佩征蠻將軍印統總兵官

鎮廣西破柳慶蠻韋朝烈擒忻城蠻譚團討平柳
潯洛容平樂桂平宜山思恩諸蠻初雲以廣西兵
少留貴州兵之來助者至是又言慶遠鬱林請蠻
非大創不服請濟師乃發廣東千五百人益雲分
兵捕潯柳思恩餘寇復攻大藤峽破之雲前後大
戰十餘馘斬以萬計居民始復業所駐節處咨里
老撫善良原註誤察誣枉人益感愛之雲謀勇鷲
發而端潔平恕不苟取不妄殺賞罰號令公嚴有
制與士卒同甘苦往時鎮帥初至土官率饋獻帥

一受之即為所持卒以敗雲至盡却饋獻嚴馭之
土官皆服調發奉法畏罪無敢違者正統三年卒
贈懷遠伯謚襄毅

龔遂字文昌番禺人景泰四年擢柳州知府柳當
廣右極邊遂悉心整理及考績巡撫葉盛薦其熟
知民情持身端諒陞授職俸仍領郡事田州土官
岑鏞請遂撰祠堂記遂為作文牖其天性之孝而
却其贄贈鏞大畏服後致仕歸道遇劫啟鑰則篋
中皆書籍也賊委之去

何楚英字邦佐歷官陝西道監察御史天順初劾逆臣曹吉祥得罪下錦衣獄謫貴縣主簿歷陞柳州知府捐俸修學城舊土壘易以石弭盜庇民郡人倚以為安秩滿陞廣西叅政

韓雍字永熙長洲人正統進士授御史天順四年右僉都御史巡撫宣大進兵部右侍郎成化元年以事出為浙江叅政會兩廣賊寇大作兵部尚書薦雍才氣無雙平賊非雍不可乃授雍左僉都御史贊理軍務雍率師遂倍道馳全州適陽崗苗掠

興安即擊破之次桂林斬失機指揮李英等四人以狗乃率兵先破修仁荔浦亦定十月至潯州長驅抵峽口令總兵官歐信等為五哨自象州武宣攻其北身與都督趙輔指揮白全等為八哨自桂平平南攻其南叅將孫震等二軍從水路入而別遣裨將分兵守諸隘口賊魁侯大狗等大懼先移其貲重於桂州橫石塘而立柵山南多置滾木礮石鏢槍藥弩拒官軍十二月朔雍等督諸軍水陸齊進擁團牌登山鏖戰連破石門林崗沙田右營

諸巢焚其室廬積聚賊皆奔潰伐木開道直抵橫石塘及九層樓諸山賊復立柵數重憑高以拒雍等誘賊發矢石度且盡躬督諸軍緣木攀藤而上別遣壯士從間道直上山頂舉礮賊不能支遂大敗先後破賊三百二十四砦生擒賊首侯大狗及其黨七百餘人斬首三十餘級峽有大藤如虹橫亙兩崖間雍斧斷之改名斷藤峽勒石紀功而還分兵擊餘黨鬱林陽江洛容博白次第皆定帝大喜賜敕獎勞陞左副都御史總督兩廣軍務奏增

柳州府志

卷之二十四

名宦

二十四

巡撫都御史二員分洩兩廣未幾雍以父喪去言者謂兩廣利害相關不可離析乞仍命大臣總督便乃罷二巡撫而起復雍右都御史總督如故周綱字文敘吳人天順間以經明行修薦授融縣丞有棄舟者十八人被誣以盜歷歲不能辯柳守檄綱一訊而白後其人合錢五十萬來謝却之而去時河間王忠肅公鎮兩廣疏其政績於朝即擢知融縣會歲屢歉苗寇作亂流亡者不可勝計綱保障有法境內以安民始不知陸耕作詩諭之每

春夏間躬行阡陌勸課不倦於是食足寇至可守
縣學初在城外倡謀遷之以避寇難更立條約以
教諸生士習丕變多舉於鄉者俗好淫祀溺邪說
力禁之相傳縣廂迎恩信和嘉慶興賢拱辰拱北
長慶等坊皆公所建
葉淇字本清淮安人成化初為廣西按察司僉事
時南丹土官侵掠州邑淇撫定柳城洛容以遏流
賊蓄水通粟以濟饑民賊據南寧奉勅督捕擒其
首惡攻荔浦率兵勦之賊遂平

歐磐滁州人襲世職指揮使成化中總督朱英薦
充廣西右叅將分守柳州慶遠與左叅將馬義討
融縣八砦猺克之師旋餘賊復出掠磐募死士夜
入賊巢斬渠魁胡公返二十三年鬱林陸川賊黃
公定胡公明等猖獗磐偕按察使陶魯等分五道
攻破之宏治八年府江永安諸獞亂磐自象州修
仁直搗六峯所向摧破復偕諸軍連破寨百八十
斬首六千有奇十五年命佩征蠻將軍印鎮守湖
廣磐為將廉能得士久鎮南邦蠻人畏服十八年

請老尋卒祭葬如制

胡高江西安福人成化間知象州恤民愛士建州治修學校時賊渠法慶梗亂單騎諭以禍福懼服就撫不敢動境賴以安

周孟中字時可廬陵人宏治元年提學廣西嶺表縫掖稀少孟中振興有道士愈知學會試柳甫畢夜夢一偉丈夫進謁授以赤丸吞之時方建賢良祠未有碑記翼日有司以碑文請孟中述如所夢援筆立就至今人傳誦焉

柳州府志 卷之二十四

名宦

二十六

姜綰字玉卿江西弋陽人成化十四年進士由知縣擢御史宏治中以疏論中官南京守備蔣琮謫桂陽州判量移寧國同知遷慶遠知府時述昆鄉韋七旋天河韋萬妙皆酋賊世亂邊綰悉以計斬之七旋之黨合諸峒賊數萬攻城綰部署官吏還城守之賊悉衆穴城城將潰綰急徇於衆擊殺賊數十人稍定會四鄉兵至賊引退縱兵合擊之追奔數十里諸蠻懾服東蘭等州皆歸侵地近賊者多願編為民總制劉大夏竒其才薦為右江兵備

副使柳慶間群賊出沒悉斬定之又平思恩知府岑濬之亂請設流官附縣分州漸化其俗庶邊民底靖廷議悉從之

劉璉字子玉江西鄱陽人宏治間知柳州豈弟近民正直率屬柳在萬山中城外皆賊巢占掠民田焚其室廬質其妻子璉奮然以討賊為己任屢征諸蠻有功都御史陳金優薦之魚峯賊周鑒復相煽為亂璉率兵數百禦賊賊敗走璉追之賊偵援兵不繼還戰獲璉剖腹實草焚其尸郡人哀之

柳州府志

卷之二十四

名宦

二十七

汪淵江西上饒人嘉靖間巡按廣西會有猺獞之變淵至行鵬勦法擇嚮道授之機宜一鼓搗桑江十三寨巢穴盡斬其首惡餘黨悉定乃諭以威信修洛容縣以治之猺獞各感泣爭致材木助役人以為得其死力擢大理寺丞後姚鏞奏岑猛之捷謂淵按廣西時首發其奸又詔賜白金文綺陳煥字子文餘姚人歷官曹郎陞廣西右叅議分守柳州猺獞出沒為患叅將沈希儀領兵界上欲誅之煥謂之曰猺不可盡誅不如以恩信撫之遂

與希儀入其境召諸酋長更為約不犯則賞之諸酋長大悅聽令竟不犯柳州

桂鏊字傳之貴池人嘉靖間任柳州府同知尋擢守恩恩府有文武才王守仁奏遷府治於荒田驛經營開創半賴於鏊郡人祠祀守仁鏊配焉

田汝成字叔禾錢塘人嘉靖中分守右江龍州土酋趙楷憑祥州土酋李寰皆弑主自立與副使翁萬達密討誅之弩灘賊侯公丁與斷藤峽群賊相應汝成復偕萬達設策擒公丁而進兵討峽賊大

破之又與萬達建善後七事一方遂靖凡有兵事皆萬達謀而汝成決之績甚著汝成居官公餘必展書史嘗語人曰對此佳思自集雖聽斷有檢式非但多聞而已尋遷福建提學副使

張岳字維喬惠安人正德間進士為行人以諫南巡廷杖左遷嘉靖初召還由禮部郎擢廣西提學公與諸生論學一宗程朱禮遇諸生不純任法士多嚮焉已而敷歷兩粵日久凡溪崗聚落伍籍歲饟將吏可任不可任取籍較然而尤厲風節為制

府約諸大吏非檄召母得入轅門即檄召不得持一物諸大吏惴惴惟謹故事餉金俱上制府受記公歸梧郡第視其牘稍鈎稽之耳念經紀苦繁費為裁公私供億歲省千餘金會乙巳春封川獠民煽亂公集諸道兵討平之上首功二千五百有奇晉秩少司馬柳州獠弗靖蠶食諸邑公徵兵三道並進遂破其巢俘馘四千有奇馬平諸邑皆為編戶時方議征府江諸獠而留都少司寇之命已下天子從御史徐公言留公再督兩粵會賀縣告急

公發兵征之俘馘三千有奇遂擢右都御史入掌院事時貴溪分宜後先柄國大開倖門以督撫為外市而督撫亦不靳萬鏹以博權公視之蔑如也在粵西四載竟不通一縷有危公者公慨然曰稜稜寒骨止少馬革裹尸耳其獨立風裁若此公歿贈左都御史謚襄惠所著有襄惠集傳於世王三接字汝康崑山人進士嘉靖間授柳州太守甫至張襄惠公以平馬平寇相地得千壤村為要害議創堡塹調狼兵雜他獠守之以控馭遠邇三

接抗議謂巨憝已悉伏誅其脇從解散者良赤子也墳墓廬舍妻子皆在此今奪以予戍卒則無所歸使雜居必不安且狼兵非能久戍人也若不潰而歸必四出行劫耳因使人微風諸獐其父老攜其穉弱踵至叩顙願歲歲供縣官賦役自詛於天不敢背德遂以狀聞張公善之不復別置戍時有周王諫者其父子皆獻點踞上猶崗行劫柳融諸邑三接設方畧捕擒之柳故環江而城阻水為固惟北無山谿之險有寇警則豕突而前不及乘障

三接乃闢北郭而城之至今賴其功

沈希儀字唐佐貴縣人嗣世職為奉議衛指揮使機警有膽勇智計絕人累官右江柳慶叅將駐柳州時官軍素罷賊耳目徧官府閭闔動靜無不知希儀請於制府調那地狼兵二千來戍兵稍振乃求得與猺通販易者數十人寬其罪而厚撫之使詞賊賊動靜希儀亦無不知每寇他所必先至設伏要擊無不巧中希儀得賊巢婦女畜產果隣巢者悉還之惟取陰助賊者諸猺盡讐伏無敢向賊

希儀每於風雨晦冥夜偵賊所止宿分遣人齎銃潛伏舍旁中夜銃舉賊大駭曰老沈來矣咸挈妻子匍匐上山或寒凍觸厓石死爭怨悔至曉下山則寂無人聲他巢亦然潛遣人入城探則希儀故居城中不出也賊膽落多易面為熟獠其渠魁宿猾先後擣巢斬馘捕誅殆盡會謝病柳人祀之山雲祠希儀為人坦率居恒謔笑洞見肺腑及臨敵應變出奇人莫測尤善撫士卒常染危病卒多日戕以禱於神最後一人至以箭穿其喉其得士心

如此

陸敷錫字得承嘉善人嘉靖中判柳州署象州事象有安仁土舍何公思等聲言花蘆古陳諸賊稔亂殃民願効死力為朝廷除害其實陰肆殺掠洛田陸弄間良民率被魚肉乃各聚衆相攻殺敷錫親往諭之至則獨坐公思開釁罪餘黨悉解去象州以平又王守仁所復斷藤八寨多為逋逃藪敷錫相度要害上當道移置衛所凡十九田是盜賊失據尋以將毋乞歸

翟宗魯字一東博羅人嘉靖間知融縣剛毅有守
緩徵輸節財用復廢學地租每日必告天而出聽
訟片言立剖十二崗獠來寇設師禦諸郊賊以牛
前行忽震死懼而退宗魯乃身詣賊營諭以禍福
咸聽撫又奉檄轉饗中道賊百艘遮迎謀知翟縣
君亦投戈而去宗魯擇諸獠子弟稍慧者被之青
衿鉦鼓導歸諸獠以為寵率皆嚮化人謂一賢令
勝十萬師考最乞歸

鄭一龍字于田惠安人嘉靖間為按察司撫夷僉


柳州府志

卷之二十四

名宦

三十二

事時古田不靖作撫夷通論一曰嚴緝事二曰別
蠻情三曰禁招主四曰誅賊腳五曰謹巡哨六曰
叨賞罰七曰防寇有時八曰勦賊有引著為功令
施行自是盜賊斂跡後為副使兵備右江至則申
約束嚴科派偷安騷擾賣放通夷諸弊而密陳制
府以遷江之東歐來賓之北三北五柳城之上油
宜山之清潭都亮賓州之淥里橫行流劫收捕宜
先制府檄守備輩聽一龍指揮分以疆域責令鷗
勦賊甫離巢隨即捕獲群盜屏息



正茂以功累加兵部尚書

鄭舜臣上虞人由袁州府同知擢柳州太守時督撫大征古田調狼兵十餘萬屯城下各無統屬時聚夥搶掠民苦而訴之當事恐激變計無所出舜臣謀於兵道密遣人擒四人磔於市不書姓名各營自相疑阻其患遂息監軍發俘囚數百名覆審內有幼者六十餘人舜臣憫其無知就死曲生之郭應聘字君賓莆田人隆慶中由郎中出知南寧累遷廣西按察使尋晉布政使有府江獠者上起

柳州府志

卷之二十四

名宦

三十四

陽朔下達昭平諸獠夾江而居怙險剽劫成化正德間都御史韓雍陳金討平之至是復反攻圍荔浦永安劫知州楊維執指揮胡潮應聘會正茂聞於朝集土漢兵六萬令總兵李錫進討未行而懷遠獠亦殺知縣馬希武反應聘與正茂議先征府江三月悉定乃檄錫討懷遠天大兩雪引兵還懷遠古牂牁地界湖貴靖黎諸州嘉靖中征之不克知縣寄居府城遙示羈縻而已時希武見殺師出無功於是應聘益調諸路兵鎮撫白果黃土大梅

青淇崙獐以孤賊勢錫與諸將連破賊斬其魁懷遠乃下而陽朔金寶嶺賊亦定乃分遣諸將門崇文等討洛容上油邊山五叛獠悉平神宗大悅進兵部右侍郎巡撫如故萬歷二年召為戶部右侍郎尋以憂歸八年起改兵部仍撫廣西時十寨初下應聘與總督劉堯誨奏設三鎮隸賓州以士巡檢守之而統於思恩叅將十寨遂安拜兵部尚書引疾歸卒謚襄靖

馬希武籍貫無考隆慶五年知懷遠縣當苗獠蹂

躡之後遍撫諸崙民稍復業乃議城舊縣獠不利遂嘯衆圍之急或勸希武逸去愕然曰吾何走有死而已吾死當有千萬身償吾命者貽邑民萬年安與協理城工官經歷余冕典史陸錦鄭鵬徐士科巡檢鄭元英皆遇害邑人立祀於老堡歲時祀之余冕字服周南城人由吏員官柳州時叛蠻數千攻圍冕與希武奮不顧命起殺賊遍身中矢猶罵賊不屈竟被碎屍邑志廖蔚文殷弼有記

李錫欵縣人世襲新安衛千戶隆慶六年春以征

蠻將軍代俞大猷鎮廣西時府江賊復猖獗巡撫郭應聘與錫計徵兵六萬討之破賊巢數十斬馘五千有奇獠酋楊錢甫等悉授首錄功進世職二級柳州懷遠獠尤獷悍隆慶時大征古田諸獠懼而聽命知縣馬希武之官繕城塹程役過嚴諸獠殺希武及經歷等五人復反巡撫應聘與總督殷正茂議征之萬歷元年錫令叅將錢鳳翔等六道並進錫自統水師次羅江獨當其衝時賊屯板江大洲潛以舟來襲錫伏兵敗之會鳳翔等亦至賊

悉棄舟西遁追擊之連破楓木大山天鵝嶺等巢錫以水軍殲潯江督諸將攻斬渠魁二人復破數巢直抵靖州界賊奔大巢互數里崖壁峭絕為重柵拒官軍鏢弩矢石雨下婦人裸體揚箕擲牛羊犬首為厭勝諸軍大呼直上四面舉火賊盡殲先後破巢一百四十獻馘三千五百有奇俘獲撫降者無算永福永寧柳城並以賊告洛容獠又殺典史錫令王瑞討永寧楊照討柳城叅將門崇文討永福易孔昭討洛容已帥舟師屯理定江節制諸

軍甫二旬四道並捷斬首四千五百有奇洛容賊首陶浪金等俱伏誅錫以功進秩二等
吳善字元夫福建龍溪人隆慶間擢永寧兵備兼撫夷時古田諸獠新創永福古河毛崗及上宋等巖猶反側不靖善繕兵芟除戮其渠魁陸銀牀莫良滿等散其黨羽悉與更始且權諸要害設營置堡以為長久計又築城建學擇其稍秀異者隸學而化誨之萬歷初柳州北三北五地煽亂善搗破賊巢俘馘萬計以軍功歷陞副都御史巡撫廣西

柳州府志

卷之二十四

名宦

三十七

王瑞浙江黃巖人由南丹千戶以功遷永寧叅將時陽朔荔浦諸蠻憑險作亂總兵李錫檄瑞偏師夾勦諸寇悉平由間道疾趨理定上宋諸巢盡掃賊穴河池哱咳諸崗恣行剽掠與柳州北三賊相表裏巡撫吳文華檄瑞經畧乃與兵備副使吳善決策率勁兵討之既平哱咳佯若班師者北三偵知弛不為備猝薄之奪其險殲之尋卒

李維岳福建海澄人舉人萬歷十三年知象州興修學宮建養濟院造山川社稷壇添設堡汛為民

弭盜修橋梁築堤壩禁諸小舟不得攜兵刃入修
雒與溪蠻交易惠政多端象人至今思之

林益福建莆田人嘉靖間進士知象州端方公恕
愛民下士諸生來質疑者輒為之講解經旨多賴
發明州城昔隨脩隨圯公請於軍門得助金用甃
甃之至今賴焉

張志可字廷時號心南廣東澄海人萬歷初涖羅
城任下車省民疾苦即革陋規十餘條建迎春亭
於東郊以重民事尊崇學校凡廊廡泮池俱捐俸

柳州府志 卷之二十四

名宦

三十八

修葺視昔有加設堡濬濠利無不舉去之日百姓
立碑紀功德焉

譚善繼號溯迴廣東南海人領萬歷壬午鄉薦三
十四年任羅城時嬰田寇最劇不偵道剽掠則攻
陷村墟居民宵旦震怖善繼力加懲創斬一級縛
數俘詳請無赦賊黨始懼稍斂跡復嚴保甲設堡
寨以備之民獲安堵又置學田立社學延師造就
文教振興又申請提學考獐童以示鼓勵任滿擢
梧州貳守去

孟宗文原籍山東武定州人襲祖象州所千戶萬歷間征古田懷遠雒容羅旁十寨以軍功由柳州衛指揮陞廣東總兵

吳文華字子彬連江人廣西提學副使萬歷初巡撫粵西方旱災流亡載道疏請賑恤不待報先發廩庾仍乞糴鄰省稍倣常平法給散募兵能墾荒者予牛種地利益闢柳州北三巨寇賊巢也最剽悍號剗馬賊諸將皆憚之文華策之曰賊強而負固宜智取毋力爭適河池哂咳有警選卒七千餘

柳州府志 卷之二十四

名宦

三十九

俾叅將王瑞倪中化往勦既得捷即馳檄諸將曰吾明攻河池耳意固在北三今河池捷北三謂我兵疲且休必不我虞可擊也遂督兵分道進賊果不為備連破七十餘巢斬四千八百級俘獲稱是未幾以將母乞歸癸未起兵部右侍郎仍撫粵西復遷總督兩粵禁絕獻遺裁節經用清釐虛餉而尤軫恤窮黎平府江諸猺及懷集賊首嚴秀珠方文華未督粵時山海諸寇出沒縱橫蹂躪州邑官軍雖往往小捷然得不償失自文華任事遄發遄

撲無使滋蔓每命將出師授以方畧往無不克尋入為南京工部尚書就改兵部引疾去卒贈太子少保謚襄惠

蘇朝陽字鳴廷福建晉江人萬歷十七年任懷遠令懷遠三經殘破官皆借居融縣朝陽親歷各崗諭以詳義築城丹陽鎮實心措注版築不擾又為民詳請立石嚴禁科派一時民謠率皆向化遷知柳州府

陳大科字如岡通州人萬歷二十一年出撫廣西

柳州府志

卷之二十四

名宦

四十

會田州土官告變授計右江道討平之上善後七策大要以弛徵撤戍柔懷新附為本又岑溪七山等山獍嘯聚復授計左江諸道討平之已而疆外蠻黎莫二姓構兵請於朝為布立恩信以術招來二姓皆請降

曾以誠字惟豫蒼梧人性嚴毅讀書博涉講業不倦萬歷歲薦授平樂府訓導以造就人材為任選諸生英俊者闢別館處之分俸資其膏火程士先德行後文藝講業課文寒暑不輟偶一生素無學

行歲試倖列優等白督學竟不准餼以是人知砥礪五年遷象州學正造士一如平樂如袁鳴泰歐國儁皆誠所首拔士後登堂致祭其感人如此周起元字仲先海澄人登萬歷二十九年進士知浮梁南昌二縣以廉惠稱行取授湖廣道御史以奸人劉世學為誠意伯劉蓋臣從祖疏詆東林起元憤斥其非蓋臣遂許起元益詆憲成起元再疏極論與群小牴牾忌者遂衆出為廣西叅議分守右江柳州大饑群盜蠡起起元單騎招劇賊而賑

恤饑民甚至移四川副使入為太僕少卿旋擢蘇松巡撫清廉愛民絲粟無所取織造中官李實貪恣不法蘇州同知楊姜署府事實惡其不屈撫他事劾之起元至即為姜辨寃實取嚴旨令速上姜貪劣狀起元益頌其廉謹並詆實誣毀因與魏忠賢忤為叅政朱童蒙陷害誣其為巡撫時乾沒帑金十餘萬日與高攀龍等往來講學因行居間矯旨削籍入都追贓竟斃於獄吳民聞之莫不垂涕崇正初追贈兵部右侍郎蔭一子謚忠惠

董成龍號雲泉浙江海寧人由鄉貢歷官郡司馬以萬歷己酉冬來守柳州時柳俗凋敝法網日密民不聊生公下車日擊時艱輒嘆曰此不能起吾柳之瘡痍者太守責也將何以對天子哉乃竭蹶撫綏清撻自勵手定爰書不假胥役吏治為之一變當早步禱甘霖立沛終以勞瘁遘疾不起士民建祠於柳祠之旁共相俎豆焉

盛萬年字恭伯浙江秀水人萬歷四十五年任右江巡道駐賓州歲戊午旱魃為虐所轄十餘城郊

柳州府志

卷之二十四

名宦

四十二

圻盡赤道殫相望谿崗林箐諸蠻乘機嘯聚窺逼城池土官偽檄調兵侵地龍城一帶遠邇震恐萬年力請當事得一旅為簡材官謀勇指授方畧以少擊衆斬獲無算又秘製火器設伏殲之諸賊聞風膽落列戍防守以備反側不常賓城屹然為重鎮旋議賑饑捐俸為倡復借餉市米減價平糶置粥廠瘞遺骸白仇獄以免株連請查曠役糧餉約數千有奇移文罷徵而市米所贏為賓民代輸兵餉流移稍得安集會循例入賀士民保留不獲因

建祠而尸祝焉

應懋璜福建人萬歷間以選貢授融令時邑中災荒疊見哀鴻滿野甫下車勞來安集流亡復歸並代輸歲賦民甚德之四十七年始修玉融志

朱光祖廣東南海人天啟間以鄉薦知融縣抵任即改兩條編申請作一條編戶七十里輕徭減賦民懷其德

譚元方字正則號錦秋湖廣景陵縣人二譚其兄弟行也天啟甲子舉於鄉授高苑令壬申間山左

叛兵起所至蹂躪方獨著守城功一時士大夫如徐元歎鍾退谷輩為賦高苑行紀其事繼調汶上令考滿陞蘇州府同知改調淮安之泇河以河工報最荷旌賞擢柳州知府方潛行訪民疾苦時軍需孔亟豪蠹為奸方首務剪除編氓藉以安堵練土兵立堡長苗獐亦如肅焉唐刺史柳宗元曾建錦秋亭於署中方愛錦秋二字復建一亭因取以自號旋遷廬州守即脩兵安廬兩郡復擢河南按察使乃留觀察任適邁母病遂解綬歸其元孫襄

世於

國朝九年以秋部郎中亦出守是邦持官持身一以元方為法因錦秋亭榭久圯復圖重葺以志前徽克繩祖武人咸稱賢者之必有後云

章世純字大力江西臨川人博通天文律歷五行禽遁陰陽星卜諸書然不以自名年七十出為柳州守有惠政忽以所占語所知聞者駭愕弗之信歲甲申國變世純悲憤發疾卒

梁方圖懷集人年十六而孤廬墓三年哀毀骨立

柳州府志

卷之二十四

名宦

四十四

崇正間以明經歷象左二州教諭轉平樂教諭課士嚴肅提命不倦督學黃景明嘉獎之曰吾道在子矣粵俗惑於堪輿親喪累數十年不舉方圖力白上官刻期督葬一時營葬者以萬計人初怨之已而兵亂所在焚燬乃始頌德焉又嘗兼攝太平學篆俗尚火葬禁之不可乃刊家禮四訓約要以勸諭舊俗遂化著有五經要旨忠孝廉節等傳卒年八十四

黃養正字童聖臨桂人少有名諸生膺歲貢司訓

馬平課士有法薦除柳州教授復以才堪民社薦擢東安令因母老乞歸終養既丁艱服闋不補講學伏波山堂桂人士多出其門性謙厚以禮自持所著有多口箴學者奉之為座右銘

蔣秉芳字昆瑞全州人博學能文督學夏啟昌國士期之以明經授柳州司訓賊至不屈死之

按舊志載明代羅令張希堯禳災除患濬渠通江革匿名狀蠲拜見例遷龍脊墳開泮池闢照墻修祭器浚井泉反風熄火禱雨救旱設奔驅

柳州府志

卷之二十四

名宦

四十五

虎捐俸賑饑東西建亭迎春中伙亦皆建亭惠政甚多洵循吏中之首選也至如邱述先築城鑿池以衛民居遷多吉寺建梓童閣以崇文教賀凌雲建南門樓通南小河統會龍潭下流水合抱縣城皆有功烈於羅人者乃邑志不為立傳並其籍貫履歷而失之而通志亦並未採入可慨也已

國朝

許鴻儒字象垣浙江太平人順治四年歲貢授羅

城知縣隨征四載緣兵燹城荒土司叛亂桂林又
屢為偽黨竊據羅城孤立無援被執不屈罵賊而
死弟男五人俱遇害後事

聞贈按察僉事卹廕如典

金漢蕙字湘鄰浙江金華人順治己丑進士任廣
西叅議分守右江單騎之官馳驅榛莽中招集流
亡勸農課學不以地方凋敝稍挫意無何反側起
挈印趨會城者趾錯漢蕙獨親率士民守禦孤城
援絕遂陷脅降不屈遇害

柳州府志 卷之二十四

名宦

四十六

王克敬字儼若陝西人順治十五年以鄉薦授融
令甫抵任盡除前令劉文英貢萬夫苛政積弊一
清布衣徒步察民疾苦加意撫綏時官軍不法有
威脅平民者立執杖之兵始戢後調他邑瀕行紳
士相屬為詩以頌其德

于成龍字北溟山西永寧人順治十八年由貢生
知羅城縣兵燹之餘蒿萊滿日署中僅茅茨數椽
日食惟麩糲成龍淡薄自甘一意與民休息革火
耗減鹽引編置保甲嚴禁盜賊烏言椎髻之衆皆

聽約束即鄰徭之為寇患者亦悔罪還所侵掠以
餘暇勸農儲粟教化大行大吏方舉卓異復以秩
滿遷知合州嗣陞黃州同知擢守武昌平妖賊黃
金龍已而湖北亂改調黃州時援兵隨大軍征長
沙城中守備單弱成龍率諸生吏卒並集鄉勇勵
以忠義相機進勦殺賊數萬俘賊首何士榮得脅
從名籍立焚之以功陞江防道遷福建按察使當
閩叛初定數起大獄成龍多所平反仍下令募贖
難民其小兒女不能歸者養之署中俟滿一船送

柳州府志

卷之二十四

名宦

四十七

還鄉里未及期遷本省布政使大計舉清官第一
上聞其名大喜謂侍臣曰如于成龍方不愧卓異二字
隨命開府畿南會宣府歲稔發帑賑饑全活甚衆
繼而總督兩江境內望風震慄成龍益自刻苦經
年不知肉食人呼為于青菜靡麗之俗一變迨巡
海歸遘疾端坐而逝牀頭惟綈袍一篋鹽豉數器
而已訃聞祭卹有加謚清端

彭而述河南南陽人累官貴州監軍副使順治十
七年遷廣西左叅政值獯賊猖獗流劫臨桂永寧

融縣等處商民並罹其害述即督兵勦捕醜類盡殲又復招集流亡計口授田俾有恒產足恃民賴以安

張漢鼎奉天人順治八年以副將鎮融懷招撫流亡十僅一二嗣因偽安西李定國兵變土寇為患民心驚惶漢鼎內戢殘黎外禦獍賊智勇足備邑賴以寧後陞贛州總制

李鐸奉天人順治十五年任融懷遊擊存心仁愛加意撫綏流亡日歸商賈漸集始復南街墟市

吳守茲字天章江南武進人順治間由拔貢宰融邑首革陋規一清積弊時羅志宏盤踞李獲江寨頭村人民被害又劫掠第二坡及銀崗諸村康熙元年二月遊擊李有才率兵至思管外四楞志宏遁走守茲特懸重賞設計捕獲不數日就擒戮之士民建生祠以崇厥報

熊飛渭字漁濱江西南昌人甲辰進士康熙十二年除融令值柳州降帥馬承蔭叛誘執傅將軍宏烈我師退舍州郡震驚奸民蘇際盛曾亞池乘變

鈞賊殺牛盟衆糾永寧土司刼擄思管鎮鎮民驚
竄至融融城小兵稀人情危懼飛渭命巡司請兵
於府而自置牛酒集附城三十里居民與文武職
官暨融之紳士輩大會於演武場誓以死守而部
署其二十四團之長申明約束各給信牌以領其
事又出諭以散賊黨給錢以募民夫增窩舖集堡
目而守於是融無重兵而有固志時柳城警急無
暇救融然賊亦知其有備卒不敢攻而城賴以全
後掛冠歸民遮道扳留涕泣而送者數千人

柳州府志 卷之二十四

名宦

四十九

傅宏烈字仲謀江西進賢人擢守慶陽逆藩吳三
桂潛謀不軌宏烈探知狀首發之鞠訊者阿三桂
竟誣坐以辟繫獄尋蒙

恩宥得減死戍蒼梧無何三桂叛閩越湖南相繼淪陷
宏烈召募義兵出龍南庾嶺東迎

王師諸反側聞風歸正

上嘉宏烈忠悃

特簡巡撫廣西佩撫蠻滅寇將軍印宏烈智計泉湧分
兵四出遂復梧潯郡縣數十城晉秩太子太保已

未秋全粵底定猶以雲貴未平誓滅渠魁三疏辭
撫篆選甲厲兵進討取道柳州柳降將馬承蔭驚
悸邀計機宜諸將校知承蔭叵測力阻其往宏烈
曰吾素撫柳帥厚柳帥既許我前驅倘蓄疑大事
不集我推心置渠腹中渠忍有是乎竟單騎往為
所執械送桂陽作絕命詞絕粒詈罵遂遇害宏烈
前後請留中密疏如預陳尚逆反情布置投誠官
兵及籌畫勦撫機宜皆洞中肯要歿後特奉
溫綸昭示忠悃盡下其前後諸疏布諸中外

柳州府志 卷之二十四

名宦

五十

勅贈太子太師予祭葬謚忠毅巡撫都御史郝浴因紳
士公籲大忠疏請建雙忠祠偕馬文毅同祀

江臯字磊齋江南桐城人順治辛丑進士初為瑞
昌令康熙二十一年知柳州府當偽逆初平流亡
載道臯殫心綏輯使復其業他方之被掠在柳城
資送之修學宮飭關津通商旅撫獯獪薄斂省刑
與民休息嘗新柳侯祠以志景仰柳人為進士業
者多奉以為師後遷四川提學

錢三錫字葭湄江南太倉人康熙丙辰進士二十

二年為羅令值吳逆兵燹之後戶口凋弊三錫泣任輕猺減賦蠲滌煩苛與民休息刑清政簡公庭肅然自題其堂曰平易近人蓋紀實也尋行取監察御史歷任卿貳陞戶部右侍郎

張維遠字德侯奉天人康熙四十三年任分巡右江道右江蠻獠雜處夙稱難治猺獞憑險出没素為民害維遠至以為若輩亦有人心不忍不教而誅因多方開導務令家喻戶曉由是民風丕變寇盜寢息以其俸入之餘設義學賑饑民尋遷驛鹽

道剔除奸弊禁絕私販商有餘貲引不壅滯本實心行實政民免淡食之苦茹檠飲水清操益勵表率屬員皆勉為廉吏云

張朝午鑲藍旗人由世廕陞授副都統沉毅慨慷有古名將風康熙五十一年抵提督任威聲所及猺獞懾服捐建柳江書院約費千餘金延名師教訓士子月給膏火課藝復如優賞一時文風稱極盛焉後卒於官柳人思之不忘

趙君良雍正五年任提督後營遊擊居官醇謹六

年師勦八達逆獯顏光色君良奉檄調軍前賊衆
狠拒相巖險四設炮臺君良攻奪平寨嶺前鋒突
入中播石死賊平奏

聞諭卹如典

李錫秦字瞻仲江南寶山人有文武才畧舉順天
甲辰亞元授羅令雍正七年三月抵任興利除害
潔己勤民羅邑界連黔末獯獪頑梗自清端于公
整頓之後稍加斂戢但餘孽未靖箐深莽密中日
久仍復嘯聚若崙馬崙側江口崙隘崙冷明崙諸

柳州府志

卷之二十四

名宦

五十二

地竟成賊巢往往攻劫鄉村殺人掘塚錫秦至即
再三曉諭不能禁乃率民壯親圍江口村擒賊首
潘世亮莫扶允等請斬以徇時香爐村賊韋廷章
尤恃險負固錫秦素精於卜勇而善謀預約諸路
鄉勇在下珠村取齊於五月初四日佯以察邊為
詞遍傳民壯攜械出城遶道至下珠糾集鄉勇潛
於夜半抵賊莊圍之駐防褚正雄鳴號以進賊驚
起發炮正雄退走錫秦舉大斧砍破賊門廷章勢
急匿於馬欄糞下親捕縛之訊得盜劫二十一案

解省死永福道中由是崙冷崙隘諸賊聞風惶懼相戒勿犯復請設通道營汛倒比惡之四堡以糧贍兵自茲盜息民安矣八年三月陞全州牧歷任本省府道臬藩旋擢大中丞以疾卒於官鄂爾泰字毅菴滿州鑲藍旗人康熙戊子孝廉歷官雲貴總督兼轄粵西奉

特旨令巡撫金鉷受教焉一切設施凡未便於民者悉與革除疏請設羅城通道營汛邊陲恃以無恐常由柳州至桂林晚過雒容會大雨從者失道供給

柳州府志 卷之二十四

名宦

五十三

不繼公危坐草室中觀書達旦毫無愠色人咸服其器量後仕至保和殿大學士進少保祭葬如制謚文端從祀賢良祠

楊升元字孟甲河南睢州人雍正庚戌進士乾隆九年為羅令潔己愛民下車之始即裁汰里下科派納糧革斗級拆簞錢撒米仍令納戶拾回免新生贄禮見城東門外官路偃仄捐俸售兩旁餘地改砌石道廣濶二丈四尺許又羅邑山徑崎嶇各里輸米負擔維艱令將近邑之西七西九西一東

隅東一共五里納縣倉沿河東九等里解府倉附
近通道之安祥樂善等里納通道倉民甚便之十
三年以疾卒於官

柳州府志

卷之二十四

名宦

五十四

柳州府志卷之二十四終